

上海图书馆

登记号码

00908308

諫議胡國珍公傳



公諱國珍字世玉深公之次子也謹按北史外戚傳云公少好學雅尚清儉後魏太和十五年襲爵例降爲伯公之長女以選入掖庭生明帝即靈太后也後孝明帝踐祚以公爲光祿大夫靈太后臨朝加公侍中封安定郡公追崇公妻皇甫氏爲京兆郡君置守塚十戶尚書令任城王澄奏安定公宜出入禁中叅諮大務詔屈公入決萬機尋進位中書監儀同三司侍中如故賜絹歲八百疋公繼妻梁氏四百疋男女姐妹各有差公與太師高陽王雍太傅清河王懌太保廣平王懷入虎門下同蠶麋

政詔依漢車千秋晉安平王故事給步挽一乘自掖門至於宣
光殿得以出入并備几杖後與侍中崔光俱授帝經侍直禁中
公上表陳刑政之宜詔皆施行延和初加公使持節都督雍州
刺史驃騎大將軍開府靈太后以公年老不欲令其在外且欲
示以方面之榮竟不行遷司徒公侍中如故就宅拜之靈太后
明帝率百僚幸其第宴會極歡又進京兆郡君爲秦太上君太
上君景明三年薨於洛陽於此十六年矣太后以太上君坟瘞
畢局更增廣爲起塋城門闕碑表侍中崔光奏按漢高祖母始
謚曰昭靈夫人後爲昭靈后薄太后母曰靈文夫人皆置園邑

三百家長丞奉守今秦太上君未有尊諡陵寢孤立即秦君名
宜上終稱兼設掃衛以慰輿情請上尊諡曰孝穆權置園邑三
十戶立長丞奉守太后從之封公繼室梁氏爲趙平郡君公之
次女散騎侍郎元義之妻拜爲女侍中封新平郡君又徙封馮
翊君公之子祥妻常安縣公主即清河王懌之女也初公未有
子養兄真之第三子僧洗爲嗣後納梁氏生子曰祥

史傳又云公年雖篤老而雅好佛法時事繫齋自禮拜至於出
入侍從猶能跨馬據鞍神龜元年四月七日步從所建佛像發
第至間閣門四五里八日又立觀像晚乃肯坐勞熱增甚因遂

寢疾靈太后親視藥膳十二日薨享年八十給東園溫明秘器
五時朝服各一具衣一襲贈布五千疋錢一百萬蠟千斤大鴻
臚持節監護喪事太后還宮成服於九龍殿遂居九龍寢室明
帝服小功服舉哀於太極東堂又詔自始薨至七七皆爲設千
僧齋齋令七人出家百日設萬人齋二七人出家先是巫覡言
將有凶勸令爲厭勝法公拒而不從曰吉凶有定分惟脩德以
禳之臨死與太后訣云母子善臨天下殷勤至於再三又及其
子祥云我唯有一子死後勿如此來威抑之靈太后以其好戲
時加威訓公故以爲言始公欲就祖父西塋舊鄉後緣前世諸

胡多在洛塋有終洛之心崔光嘗對太后前問公國公萬年後
爲在此安厝爲歸長安公言當培塋天子山陵及病危太后請
以後事竟言還安定語遂愔忽太后問清河王懌與崔光等議
去留懌等皆以病亂請從先言太后猶記崔光昔與公言遂營
墓於洛陽太后雖外從衆議而深追臨終之語云我公之遠慕
二親亦猶吾之思父母也追崇假黃鉞使持節侍中相國都督
中外諸軍事太師領太尉公司州牧號太上秦公加九錫塋以
殊禮給九旒鑿輅武賁班劍百人前後部羽葆鼓吹輶輅車謚
曰文宣公賜物三千段粟一千五百石又詔贈公祖父父兄下

逮從子皆有封職持節就安定監護喪事靈太后迎太上君靈
柩還第與公俱葬贈襚一與公同及公神主入廟詔太常給以
軒縣之樂六佾之舞 趙平君薨給東園秘器明帝服小功服
舉哀於東堂靈太后服齊衰期葬於太上君墓左不得祔合

澹齋胡公傳

表再
姜如芝
邑庠
生

胡公諱應元字汝魁號澹齋世居墩上篤于天倫善事父母友愛諸弟雖處城市不染紛華責己重以周言訥訥如不出口少先大父京卿公十歲同為泮南余諱析公館甥京卿公當明神宗時由進士官吏科給事中迎養余公于官署請公同行公辭不赴熹廟初因疏糾客魏削職公不以盛衰易心情好益密崇正改元陞鴻臚寺卿復延公與余公偕往公仍堅辭年老茹齋集齒尊有德者烹茗談經傲先世胡杲公與白公香山社意子五人孫十六人夫婦

年近八旬優游自適易簣之日鄰里莫不悲哀行道亦爲
惋惜咸謂公善根夙植晚景之佳後嗣之多而賢非偶然
也

姜如芝曰余季父陪貢公毛君鶴舫理鄴中遣使迎養辭
曰昔人云惟儉可以養廉方望其爲廉吏可徃彼累之耶
後宰城固亦然陪貢公爲毛君外舅而公卽陪貢公姨丈
也余奉家君香河公爲公傳感公與陪貢公儻然物外之
致先後若出一轍臨文不禁神徃云

文學胡維祺公傳

方象瑛 邑人

余家比鄰胡氏文學公維祺稱古道君子余次子受業師明經體仁先生公冢孫也家學淵源文章冠名一時每述公遺行輒泣然泣下今函其事郵京邸屬余爲傳余近公居知公悉因爲道其梗概公諱光字維祺秉姿明敏淹貫經史百家書與兄三公從兄三汲自相師友後先補邑弟子員性端介足不履公廷續脩譜牒獨任其艱然喜爲人排解有爭訟得公一語皆平居父喪哀毀骨立奉母益謹家故貧甘旨勿缺也善飲酒偶醉傷齒乃負杖跪母前請責遂終不復飲兄早亡撫三姪與兒孫輩

嚴加課督訓以大節起麟稱孝子郡邑旌之子四俱遷黃彊崇
本業長瑞圖卽體仁先生父有古長者風焉族伯仲三瑞宗憲
諸君恂恂愿恪咸奉公教也年六十有四以壽終

方子曰昔阮籍以酒名狂者也公先善飲本乎天性後絕

杜康乃守身以事親清風峻節豈阮籍等可同日而語孝友
流芳家聲丕振不于身者必于子孫可操券以俟豈諛語哉

歲貢長人胡公傳

貢生

周廷獻

予讀長人先生學庸講義觀其詮解引援領異標新發朱程之所未發最利于制藝洵士子之津梁也然予景仰先生之學業猶未識先生之爲人迨予次男克岐聯姻貴族文學景文先生親戚往來始得會晤先生之面見先生豐頤偉貌溫和謙抑道範可親歎曰是真無愧于安定之苗裔而爲胡氏之翹楚也乾隆乙丑之秋先生之次君文學希孟叔翁出其行狀囑予爲先生傳之予雖不文曷敢辭先生胡姓諱體仁字長人鄉飲賓瑞圖先生冢君也世居烈橋墩上先世多有偉人先生之祖文學

維祺先生爲邑中名宿太史方渭仁先生常欽慕之延爲西席
其家學淵源有自來矣少穎慧博覽群經諸子百家一目數行
爲文輕捷敏達詩詞雅秀採芹旋簞廩屢拾巍第己邠鏖戰棘
闈至司欣賞其文欲置高魁三場遺亡深爲腕惜先生亦由此
不復觀場遂以應貢終先生性孝友生平善飲一日偶出醉歸
跌仆母責之衣冠伏罪請戒酒終母之世不復飲教于姪循循
善誘不苦煩不辭倦故子姪多有聲庠序至族黨之間敬老慈
幼兄友弟恭善相勸過相規無少違逆康熙丙午續修統譜維
祺先生實主持之先生以孫代祖尋源竟委盡心竭力分任其

艱自識云彙其渙散而綜之分其枝葉而理之一一皆大父之指點實字字俱小子之手筆也先生之至性若此殆所謂文行兼優者耶先生設帳富春三十有五載遠近之士多就之一時獲顯達者琢成器者百有餘人其時希孟叔翁尚在幼冲教之勤習無廢舉業並未列名府縣門人強爲調獲遂冠群英聞之里巷駭爲異事惟先生深以爲憂也生平篤學力行註有學庸講義森香文集日撰詩詞膾炙人口學士爭誦而珍寶之惜未能付梓流傳然富春之大家巨族猶尚有秘藏之者叔翁如欲傳先生曷若取其遺書播之宇內俾人人資益于先生者更爲

遠且大矣。敬述其始末，聊以應叔翁之請。

周子曰：憶予始謁先生之時，聽其言論，觀其道貌，心領而神怡，惟恨相見之甚晚也。乃居非比鄰，先生常臨絳帳，即欲一晤而再晤，何可得歟？詩曰：所謂伊人，在水一方。又曰：毋金玉爾音，而有遺心。其殆予與先生之謂乎？

貳聖胡公傳

比鄰胡君貳聖余垂髫時最相契友卽少而壯壯而老無或有異則知君生平者莫余稔也君諱宣義貳聖其字森仁公之長子性聰慧有雄畧雖家貧不能肄業而品行端方持已溫和彬彬乎禮儀之卒度也迨經商服賈居貨殖通有無準以義取故交易者嘗填市門數十年累產千金家漸充裕嘗與家兄儀吉往來蘓杭錢貝不下千計而取與多寡並未聞有狡獪之情是其與人也殆推誠以相信者矣乃更難者昆季二人獨奉高堂敬養兼至且篤同胞之誼時時取所有以分弟而里中子姪每

加優恤至事關宗黨踴躍爭先不留餘力乾隆丙寅倡續宗牒
與族叔廷若諸公總理其任凡出入籌謀毫無私便不亦難能
而可貴者歟配余氏婦道母道克盡厥職舉二子長能禮次秩
禮從師學藝拭目成名孫曾濟濟盈砌芝蘭孰非君之令德所
致哉今丁亥之桐月君赴瑤臺仙會能禮昆玉以行狀謁余曰
先嚴本末先生知之悉見之確傳之庶不失其真幸母金玉爾
音爲異日家乘光也余何敢辭遂爲畧其實而傳其可傳云爾
乾隆丁亥桂月穀旦

歲貢生候選儒學訓導眷弟陳經頓首拜撰

文學顧西胡公傳

岳翁諱烝字達士別號顧西安仁公之長子也性誠樸言笑不苟居家庭孝友克敦在鄉黨仁讓可法親朋宴會寧豐無嗇子弟課讀寧嚴無寬適弟遭橫禍株連挺身救援不吝貲財無令親憂其品行有如此者且穎悟過人勤學不輟弱冠補博士弟子員試輒列前茅歲甲申郡侯佟拔冠一邑文苑高古爲一時擊節嘆賞乃數奇不偶強仕未屆竟以青衿老也岳母姚孺人端莊柔順事舅姑待家人婦道母道卓匕可觀舉丈夫子一恪守遺訓孫魯濟匕環繞庭堦傳日積行之報不于其身必于其

子孫豈虛語哉

淑哲曰哲忝半子之列妄敢傳岳翁之行顧翁族纂輯家
乘謹畧其生平亦以見品行文章之必能昌後也歟至若
發潛德之幽光自有異日之月旦而非哲之事也

昔

大清乾隆十一年歲次丙寅首夏之吉

雲程子婿庠生吳淑哲百拜撰

文學顧西時公

文學西岐胡公傳

內閣侍讀

周景柱

予師歲貢周諱廷獻夫子與城西墩上胡西岐先生兒女姻婭也時以道義文章相爲往來憶予受業時先生至館衡文論古席談竟日娓娓言之師嘗語予曰先生胡姓諱際盛字景文西岐其號也生穎悟善記憶家貧不甚從師幼年設帳九都王姓課期制藝搜羅經史風雅絕倫人試以異書萬言輒誦輒默並無一語舛誤士林羣然欽服願先生淡于功名試每不前爲尊翁迫促以冠軍補邑弟子員且胸懷磊落器宇光明崇信義廉取與凡遇人要重事盡心竭力不避艱險交遊感其德有空廬

舍逼近其居持券相贈先生厲色曰君不以大義規我而以重
利啖我將視我爲何如人也耶卻而弗顧曩時買舟應試與方
君季範有秦晉之約逾月而方君溘逝隨挽伊戚欲踐前盟先
生毫不以存亡易心慨然允諾且囑六禮不拘惟叶吉期遣輿
迎歸可也康熙甲戌王父乾升公病劇見尊翁憂勞過甚先生
以孫代子親侍湯藥衣不解帶事無大小身肩其任拓田園新
堂構訪牛眠葬王父先意承志無一事稍貽親之憂也弟方向
學又建書堂延師課讀從不以俗務累之適仲弟瘋疾遍請盧
醫傾囊勿惜數年如一日奈天不永其年至雍正癸卯之歲夏

五卧病將易簀含淚語季弟曰仲弟無祿汝未成名嘗引爲憾
詎知今日之憾更有大焉者雙親已老藐孤尙幼養葬之事予
罪莫追汝其勉之敬之竟於是月二十九日寅時卒行年僅五
十有二配余孺人舉一子名光豸女二長卽予師次媳也次適
方君季範長子錫緯茲當乾隆丙寅胡氏重修家乘先生之令
弟佐周函書潮州官署囑予爲之傳予猶想見先生之爲人及
所聞於師者謹畧其大概而叙之

周子曰讀書將以致用豈僅能文章博功名已哉予觀先生
立心皎然制行卓然衾影無慚鬼神可質意其錫純嘏享遐

齡而獲無疆之福矣何修文之速召有如是乎雖然人誰不
 死死亦何憾今其令子克家孫枝軼衆薪傳可接譽望日隆
 世即謂先生常留於世也亦無不可

遂至臥病舊時或有尋醫治之者予辭曰且夫人之為人
 大率率餘幾于幾蘇哉當其病時只重為家乘我坐之公
 十甫二指余需人舉一于合共食之二是時予猶大誠出矣
 其妻或對其歎文好之竟然長民二十五年自庚子年
 時合日之制更有大需者雙膝曰李蓮丞尚也養整文寧
 正相麻掛長鏡合則晴年愈日中矣其病亦未如李嘗以爲

處士遇岐胡公傳

人生必有過人之行關於名教者斯無愧於傳亦傳之而不朽

也若吾叔祖其殆庶幾乎叔祖

諱際熙字

佐周號

遇岐大父景

文公伯仲三人叔祖其季也性慈愛重友誼幼習舉子業醇正風雅尤工書法惜三試不合于主司後遭不造遂輟其事然志

未嘗須臾少忘按其時大父祖母與曾王父母相繼謝世吾父

年僅十齡熒熒予立叔祖教之誨之撫育過於親生孰意多難

未堪而予蓼又集率吾父懲毖共飭身不妄動口不妄言惟同

憲族叔金山者晨夕與數出入同行無片刻之少離金山家非

素封通有無需緩急若取諸其宮中上下六十年相與把臂談
心無德色亦無怨言仿古刎頸交何多讓焉夫叔祖艱于嗣念
吾父影隻形單時有戚戚之憂及見 士選 兄弟之生不啻珍竒

之獲親勞撫字慎擇師傅事事不煩吾父輒語叔視母曰維茲
姪孫書香有望夙願可酬但我與若桑榆日逼不及見其成名

耳易簣之日執 士選 兄弟之手諄諄提命曰古人有言業精于

勤荒于嬉吾與若父歷盡艱辛所未逮者爾名爾學汝兄弟敬
戒無忘孳孳汲汲以慰所望雖瞑目窮泉亦無遺恨嗚呼叔祖
之子愛孫姪洵可謂養以恩而教以義矣乾隆丙寅族議醖金

倡續宗牒叔祖與金山接如等慨然專任至修溯自出之淵源
聯一本之昭穆并匕秩匕如日月之經天江河之行地事竣恢
廓寢堂以式靈爽張皇祠宇以光門閭更念父兄未得佳城有
忝子職遺累後人不避風雨不憚崎嶇請堪輿遍訪牛眠得吉
于十三都周家山旋謀之金山合營窀穸其時有族弟聖五以
情告叔祖亦爲之首肯則叔祖之善繼善述推誠與人斯亦難
能而可貴者也嘗過九都秋收伊川庄上父老猶嘖匕于叔祖
謂徵息之秋貧而書貸者積券而焚之由是觀之叔祖不獨大
德無慙而小惠之流布又彰匕如是此所謂無愧于傳亦傳之

而不朽者哉茲逢修譜之會敬述而錄之以示無忘云

士選曰予將以叔祖之行狀乞言於當世名賢而鋪張揚詡

保母有過不及者乎顧管窺之見淺鄙之言妄擬高深叔祖

之躬行踐履傳耶否耶士選誠有所不可知也

肯

乾隆五十四年歲次己酉桂秋月上澣穀旦

姪孫士選百拜沐手謹識

本支...

...

繡臣胡公傳

先生諱光豸字繡臣姓胡氏考諱際盛公爲邑庠生世居烈橋
下十餘步予甫總丱嘗從先君子讀書獅山浣雲居道經其門
見一少年豐頤厚頰正立寡言其人約長六尺許又見一髯者
衣冠肅容貌嚴時與少年語則又和顏霽色少年但唯唯而已
予雖幼已心儀其人然未知少年卽繡臣胡先生也自時厥後
予館徽郡程明經同邑陳國學兩先生家與先生未覲面者幾
二十載但聞族人道及先生皆曰古道人也先生鮮兄弟十齡
失怙其叔父佐周公故無子撫之若己子命就傅課讀無虛日

學已將成以佐周公績學工文屢試屢屈亦遂棄所業代佐周公秉理家政然事無巨細仍一一稟命而行生盡孝死盡禮事之一如父焉有姊二長適周每遇周赴試餽串費必使往還用俱給姊及周沒爲製衾具棺以賻之次適方方故貧食用按月賚送迨方卒終七卽延姊與甥男女至其家供衣食者三十餘年女長而爲之嫁男長而爲之娶旣而甥且生男與女矣乃贈以田地若干令歸家立業平生正直有氣節柔不茹剛不吐至事關宗誼雖艱鉅尤必以身先之而畧無疑畏則又其天性固然繡臣先生之爲人第舉一二十大端已卓卓若此其古道之照

人豈迄今所可多得哉予聞心益嚮往之而猶未知繡臣先生
卽向所見少年也始見其人未知其字繼知其字又不知卽所
見之人人事之相違顧如是耶己卯春先生攜二子詣予問字
而後乃今知向所見少年卽繡臣先生且知所見髯者卽其叔
父佐周公矣其子長士選次士達相繼補博士弟子員予細詢
先生素行與予族人所言若出一口今先生族重修譜牒兩生
徵傳於予予卽書此以爲先生傳

論曰事有因彼而可識此者卽孝友未嘗不然予觀先生少
孤煢煢一人烏從見其祗厥父而恭厥兄哉然事叔父無異

所生待二女兒恤及其後非孝友根心所由形見歎目觀二
子馳聲膠庠孫曾多英姿磊落有以也夫

昔

乾隆五十五年歲在庚戌一陽之穀旦

西澗眷世弟黃希憲頓首拜撰

父並風公與其子廷士
而遂以今映向視其少平明
具之人人事之琳登鳳收長
唱向視其少平忠故具其人
人豈強今視百多掛好字

胡母余孺人節孝傳

姪 敦仁 庠生

予與胡氏世居城西共里社日相接非訂同心卽聯姻好
今莫春有表兄胡伯如者請爲其母立傳孺人余氏配起
念公予從堂姑也先君嘗言曰姑依父母爲女時德性幽
閒言動由禮非有保姆能訓者教之及笄而于歸姑吏治
家井井有法相夫子孝翁姑曲意承順俱得其歡心至若
妯娌之和琴瑟之好乃其餘事以故鄉黨交重之暨姑吏
仙遊姑年方二十有六哀毀幾絕矢以死從奈表兄在抱
翁姑失養於是躬操井臼益習勤苦時值飢饉薦臻饗殮

不給而堂上之晨昏無缺或憐其青年諷令變志姑厲聲
曰寧可餓死作胡門之鬼若覲顏復事他人乃禽獸之行
非未亡人所敢蹈也孀居二十八載茹辛嚙冰常如一日
邑侯何公聞之給撫孤完節扁

旌表其門以視世之激烈一時者難易爲何如也雍正三年
詔令前後忠孝節義無緣上達者盡行查報入祠

蒙當道具結申詳惜命未下而中阻然始之節孝雙全撫孤
成立真氣蟠結于人間自有不得沒者予觀表兄之慇懃
誠懇動不忘親孫曾輩出嶄然見頭角是殆天之所以報

吾姑者嗚乎其可量也歟予嘉姑之志潔行芳重以表兄
之請爲傳其可以傳者

之謂然其所以動者

吾故者謂乎其何量也煥乎真哉之謂也

高仁公配方節婦傳

節婦方孺人予從堂叔曾祖母也居共室得習見其懿範性慈惠尚樸坐不中庭戶外紛華事不往觀亦不偶談異而敬之憶予兄弟髫齡肄業暮歸叔祖佐周公必焚膏課讀凡四子之書以及經古俱詳其義而暢其旨釋詩至無非無儀唯酒食是議句不覺有觸於孺人之動靜語默乃起而問曰是詩也若孺人者其殆庶幾歟叔祖曰汝所見特孺人之小焉者爾孺人茂濟巨族鑑湖名裔迨于歸事舅姑以謹家道式微安之若素不聞交謫之聲康熙丙申

冬高仁公厭棄塵世撫棺痛哭行路爲之愴然湯水未沾
脣者三日夜因慰之曰死者不能復生吾嬖過於哀毀加
之不飲不食勢欲死而後快不知藐孤在胞使之熒也無
依是再死其夫矣嬖母生而撫養成立不更愈于無益之
死乎孺人始服予言強飲食理持家政計孺人之年方二
十四歲也于是倍加勤儉竭誠拊畜矢志靡他爲子女嫁
娶曲中于禮上下五十年人所未歷之艱苦孺人脩嘗之
豈僅汝所見之小焉者哉聞之歔歔感慨謹誌無忘孺人
以康熙癸酉十二月十七日巳時生乾隆辛卯五月初十

日子時卒享年七十有七子學義公家貧不能

旌表時引爲恨孫光紳欲丐片言以光家乘俛予爲傳敬述
叔祖之告予者傳之

昔

大清乾隆五十三年歲次戊申菊秋月穀旦

堂姪曾孫郡庠生胡士達頓首拜撰

堂欲會解滯舉士助士致供在戰無

大雷薄劉五十三拾款丸丸暗蘇為民幾且

昔

遠脈之昔字音同又

故楚祖臣為却冠長聯詩和武言以次宏乘舉字食辨如無

日子執率草羊少十休水半學壽公寒竟不漸

胡母沈孺人貞節傳贊

節婦沈城西墩上胡君祿義之淑配系出松溪望族鄉飲賓人
慈公次女也賦性柔貞不妄言笑長歸胡君四壁蕭然舉家引
以爲憂節婦無難色且曰貧固非病惟不能自強斯真病耳於
是躬操井臼紝織罔間儉而且勤迨乾隆戊辰之歲君忽抱病
節婦年僅二十六鬻環瑱躬湯藥百計療治竟不能起呼天號
泣慄痛莫可名狀比含殮盡然流涕托孤妯娌期在必死勸之
者曰汝之次男生未期月若從夫死此子豈能復生耶節婦曰
吾長男已三歲矣脫胡門有後卽可以存宗祀此呱呱者壽夭

莫必未亡人生爲廢人毋寧與夫偕亡之爲得乎因痛哭至慟
閭里再三慰諭乃隱忍強起家故貧益空乏如洗徃徃爲人辟
纊縫裳計所償值買藁蕨雜以糠覈作糜以哺其子歲時朔風
雨雪寒威偪人雖唇齒交闕格格有聲而爐火必俾兜擁之間
或歸寧母視其容羸且瘠詰之亦以貧而非病對與之肉食則
曰未亡人渴飲饑餐猶爲過分敢貪芻豢以悅於口乎母如有
賜請遺之以飼二子聞者咸爲之酸鼻焉幸而所生二子以養
以教至於成人又各爲完娶家道且駸駸有起色人皆謂雙雛
反哺正在斯時奈年屆五十六戊戌之正月無病而卒里中念

其勁節堪傳汗冊貞心無愧重泉欲公呈 邑令請旌以垂奕
禩後事不果適今歲重脩譜牒次君燦文述其生平梗概囑予
爲傳予不文漫次其語以附於家乘云

贊曰孺人行同冰潔操比霜凝遐稽往牒析數閨貞誓舟割
耳截髮吞金或節存而致命或形殘以立名孰若孺人一壁
之無瑕兮可以存孤可以維化特揭之以爲里黨式誰得謂
傳之非其真

曾

乾隆著雍涪灘之初夏廩膳生眷表弟章錦堅頓首拜撰

...

告

特之共其真

...

...

...

...

...

...

特 胡母姚孺人節孝傳

節孝姚孺人者郡庠胡顧西先生元配也自幼嫻於姆教結縭而後事姑嫜克盡孝道雖粧奩甚厚而荆釵裙布雅不喜粉飾以矜富態客至盤飧必豐腆從無吝意里之人咸以陶母稱之而其侍先生也如賓致敬憂茲春誦不惜脫簪珥佐之雞鳴戒旦風斯在焉以故先生遊於庠聲名藉甚不意天奪之紀先生捐館舍時孺人春秋僅三十有奇也朝夕悲哀幾欲相隨地下而以二老在堂所爲胡氏延其後者祇此弱小嬰兒耳遂強自勸勉進飲食撫茲藐諸孤漸以成人爲之婚娶爲之延師課讀

與紹書香而哲嗣履中亦努力寒窓幾於有成惜以家政紛擾未竟厥志而經史涉獵溫溫爾雅毫無俗態不可謂非孺人丸熊力也孺人喜攻苦晝則米塩雜務夕則紡績紉綴終日之間暇無晷刻而神疲精殫鶴算難延竟以年未週甲而賫志以沒先生之門人邑孝廉余先生諱任賢書堅正自完四字贈之庶異日採風者得有所稽以上達焉而今孫魯鵲起如一班玉笋愈出愈竒庸知非孺人節孝之報歟茲屆家乘重脩表兄巧思以傳相請僕以里居密邇兼之誼忝葭苕辭不獲命遂按行略執筆而爲之傳

人前

人前

昔

乾隆五十五年歲次庚戌菊月

歲進士姻家眷姪余

集賢

頓首拜撰

算到正午五平致大與大陳氏

款蘇士職家香致余
泉貫 鍾百秩姓

昔

明義勇胡炳公碑

邑侯

周

恪

人生天地間求無愧于吾心者惟其負綱常之重而已孰謂綱常節義是也孰謂節義臨難不惜死是也蓋好生惡死人之情也夫苟以性命爲重則於從容無事之時凡所以爲身謀者無所不至况于臨敵決戰安肯奮不顧身若此哉嘉靖丙寅春礦寇犯境動以千計殺我生民燬我房屋其禍亦烈矣惟時我府二守周我縣大尹顧率民兵若干往以禦賊炳亦與焉一時義氣所激勇敢倍出恨不得斃賊於一擊盡其人而剗戮之然後其志始遂夫何援兵不至力寡勢孤卒爲所傷嗚呼志雖

未成苟有仁心者孰不爲之痛憫也予令遂三載凡吾民之有
善行與夫婦人之有節操者旣已表揚而褒美之矣矧夫胡炳
遂之居民耳未始有常役也獨奮忠勇對敵身亡其視畏避偷
生或力屈而降者豈不徑庭也哉孔子曰志士不忘在溝壑勇
士不忘喪其元又曰水行不避蛟龍者漁父之勇也陸行不避
虎兇者獵夫之勇也白刃交于前視死若生者烈士之勇也以
炳之死雖不足以成天下之事使孔子而復作焉則志勇烈士
之贊虞人殆不得專美于前矣樂道人之善者予之素心也義
勇之扁所以重其負綱常而有節義真不愧于吾心也使不勒

之于石又奚以垂名于不朽乎故特表而出之因以附立于厲
壇之側庶幾奉祀典于不泯而後人知興起云

詩以興怨奉賦典于不刊而歸人朕典誠元

天子而父矣以維名于不泯乎好辭表而詩之因以辨立乎以

文琮公夫婦墓誌銘

五經博士

吳世良

自解組歸田後以序傳誌銘請者踵相接予非樂此不疲也城西胡氏邑之巨族與予族世世姻婭一日胡子廷訪等述尊八之岸概請予誌而銘之予安能以不文辭胡氏百二公由淳之坑下遷十二都栗園裡五傳至太二公始遷城西忠烈橋再七傳至公迄今五百餘年枝派繁衍代有文人按公諱文琮本禮公之三子也持躬謹慎接物仁慈不以責己者責人不以恕人者恕己且善繼善述肯堂肯構取金峰余氏內助有方克全婦道舉丈夫子六廷鈞廷欽廷鉞廷鉉廷鏐廷鉅女一適大路口

新定古山志
卷之二
洪士閩嘉靖戊戌二陽月鈔等葬公夫婦于十八都龍源蜘蛛
形巳山亥向

銘曰龍吟虎嘯

水遶山環

靈鐘天上

秀結田間

生則同居

死則同穴

夫婦雍容

世生英哲

文獻公夫徵墓誌銘

吳其真

廷觀公夫婦子媳墓誌銘

沈彥三
蘭溪

邑治西南有胡姓者出安定先生之後族大繁衍多聰明俊拔之士至廷觀公尤爲傑出稟性剛果出言質直能孝能弟無偏無黨生于成化乙酉四月年六十有九尚康健無恙配鄭氏貞淑賢能生于天順辛巳九月嘉靖癸巳無疾而終子克勤才智超羣不幸早世人咸惜之勤生于成化癸卯八月卒于嘉靖癸巳七月娶朱氏先夫而卒公女寄英適毛增孫女長玉清適洪潘次玉寧適吳超遂捐癸巳之冬十一月二十五日公塋孺人及克勤夫婦于芮坂之南巽山乾向他日公亦合塋于斯焉求

誌于余余與公交有年義不容辭遂誌而銘之曰

芮坂之山 公嘗遊焉 芮坂之水 公亦濯焉

山水之間 遂卜牛眠 既安且吉 福祿綿綿

歲暮不幸早逝入氣散文隨筆于外矣眼八且个

物費銷坐于天賦卒日此且無散突口無然西舞于京

無黨坐于外也西門凡平六十育及尚一發無為頭

文士在致勝公次欲轉出感轉園果出言實直論

詩前西商亦助致普出交或去之勢利大然

意贈公夫微于戲

附錄三

廷鳳胡公偕配墓誌

五經博士

吳世良

廷鳳胡公邑西墩上巨族文瑄公生三子公其季也性仁慈無
忝大倫居家恂恂手胼足胝歲無閒日配四都方孺人生二子
長淑次汜女二一適橫路王六一適橫山余介孫五人繼配許
孺人無出別營窀穸嘉靖辛丑季冬之吉卜塋公偕孺人于城
隍廟西下園巳山亥向與予舅余子淞有戚誼因挽予誌墓予
曰莫爲之前雖美勿彰莫爲之後雖盛弗傳公子淑等田園充
拓棟宇翬飛家聲尤著待人接物大有可觀誠所謂是父是子
者矣噫公以無逸而不顯于前子以繼述而克昌于後矧諸孫

輦識見高邁才智超羣其承前徽而益光大之可預卜也古謂
七奕之賢又于公焉見之矣故不敢辭而為之誌

曰其欲之而難矣於公之好戰也公之好戰也公之好戰也

曰其欲之而難矣於公之好戰也公之好戰也公之好戰也

曰其欲之而難矣於公之好戰也公之好戰也公之好戰也

曰其欲之而難矣於公之好戰也公之好戰也公之好戰也

曰其欲之而難矣於公之好戰也公之好戰也公之好戰也

曰其欲之而難矣於公之好戰也公之好戰也公之好戰也

其風財公督彌蔡請

正釋詩七 吳世夏

廷欽公第廷鏐公暨祔墓誌銘

族嗣孫 滿仁

乾隆丙寅之夏族兄紹元弟聚文語予曰吾兩家嫡祖諱廷欽
字致敬與若共祖文琮公生六子公其次也配章孺人其弟諱
廷鏐字致愛文琮公之五子配邵孺人繼配嚴孺人前明台塋
四都土名苔浦楊茂墩魚形上穴乙山辛向係又露字五百三
十號地稅七分康熙戊戌又以二公之曾孫應恒公章孺人應
卿公程孺人元孫宗貴公余孺人宗舜公余孺人三綬公王孺
人來孫起義公姜孺人起福公沈孺人起蛟公起通公童孺人
起瑞公何孺人同祔於墓前左右當時未勒碑石恐將來卽知

有墓而不知塋者何人所塋幾壙嘗用是戚戚矣今卜吉樹銘
盡代誌之計予去二公已歷七世而於所附諸公先後亦有年
所世代云遙傳聞或爽行事舉難稽覈若虛爲侈陳以誣墓中
人不益增予之罪乎因爲質言以垂永久云

銘曰高山岩岩 遠水汪汪 魚鱗際會 踴躍池塘

于茲卜吉 敢曰允臧 四世一至 垂裕必昌

廷鉞公夫婦墓誌銘

御史詹理

予忝邑西烈橋胡氏門甥也其先自滿公得姓以來理學文章
巨儒名宦號稱世族况胡氏家藏墨寶皆當代賢士大夫手錄
予知之稔矣其風流餘韻鍾於後起者豈淺鮮哉一日表兄號
儒川者來予家語之曰先人之墓不誌將來無所考據盍代爲
誌之予雖不文重以表兄之請焉得遜謝公諱廷鉞字致威毅
齋其號也生平質素敦尙實行訓子義方待人忠厚有古長者
風元配楊孺人繼配程孺人克盡婦道內助稱賢生子二人長
滄次浪能新棟宇廣田園以光前烈裕後昆孫魯嘯起振振繩

致用公并祔塋墓誌

嫡祖文琮公生六子公其四也諱廷錚字致用娶洪氏舉丈夫子二夫婦百年後全卜吉西門外里許土名駱家嶺銅鑼形山向甲庚加卯酉墓稅分至六代孫諱越諒之後不復有傳人因墳地寬綽以公長子諱汎公配鄭氏次諱瀚公配毛氏孫良楠良楨良柵良樺配王氏曾孫應雙應全元孫三勝暨起諒共二十三人俱祔於公之墓所遺產業係琮公長二三三房承值立爲一祀名曰四茂以供公之祭掃今坟墓坍塌聞者於悵見者愴然爰選吉修整伐石豎碑特爲之述其巔末誌之以垂永

久云

崑

乾隆五十一年歲次丙午小春之吉

琮公六房裔孫府庠生士達沐手謹誌

慈恩公共撰

致宏公偕配二世墓誌銘

邑庠 周于德 生

公姓胡氏諱廷鉅字致宏尊翁文琮公生六子公其季也其先
百二公由淳遷遂五傳至太二公始遷城西墩上爲邑中巨族
予忝葭莩時相往來見其家藏墨寶手澤淋漓悉歷朝之碩輔
元老慨然曰胡氏代有英賢不獨理學名儒爲士林樹儀型也
故繼起者每出人頭地按狀公性坦直品端方恪守名教克明
大義居家承顏養志雍容和悅父兄最鍾愛之嘗曰吾家亦有
膝上文度也見有乖倫悖理事不畏怨集不爲勢屈必理論而
痛斥之毋少恕焉至若習勤苦謹出入拓基創業不振家聲又

其小焉者配官塘王孺人并白織紵事事躬親佐持家政并井
有條可稱巾幗之賢子二長潛英姿邁衆才藝超羣不幸早逝
次滾凜也。有乃父風萬歷丁亥小春之吉滾與兄子良桷良椅
葬公夫婦于十八都距城西十五里許土名螺源塢飛鳳形巳
亥向厥後潛公偕翁孺人滾公偕洪孺人翁孺人並祔焉墓竣
囑誌于予予曰孝子之事親莫大于送死而送死之要圖莫大
于營葬今胡氏子孫之于其親也死而葬也而銘仁孝備具生
死無憾矣故特表而誌之

銘曰

高崗挺秀 飛鳳象形 錦翼雙展 勢不暫停

翱翔千仞 羽儀王廷 公之懿行 山澤儲靈

維喬與梓 共聚幽庭 宜爾後嗣 福祉來寧

蘇舜欽詩 共襄幽興 宜爾好味 蘇旅來年

蘇舜欽詩 蘇舜欽詩 蘇舜欽詩 蘇舜欽詩

蘇舜欽詩 蘇舜欽詩 蘇舜欽詩 蘇舜欽詩

廷銷胡公夫婦墓誌銘

給事
中 毛一公

邑西胡氏系出安定世號名門出類拔萃之才指不勝屈有該君者爲予平日最所推重一日以其椿萱墓誌來請詢及其尊人諱廷銷文璿公之次子恪守庭訓崇尚樸勤恂恂愿謹無他技配王孺人柔順寡語績紡自任舉丈夫子四長瀟夫婦早逝次派三涇四洑孫曾五人萬厯癸卯莫春月葬公夫婦于西門外里許土名詹家庵丙山壬向予謂人子之事親貴能養尤貴能葬葬而能永久其惟勒碑樹銘乎今該君念及此兢兢克舉焉倘所謂有志于仁孝者也予重其人因以成其美遂援筆而

樂為誌之

銘曰山不高而秀 水不深而明 從茲卜宅兆

詎曰非佳城

大冠三烈四烈經會五人萬想交眼莫春且楚公大誠牛西

外明王蘇人乘賦稟節海歸自封舉大夫千首其前夫其

人精我識文傑公女寒于前我親贈樂之 便便尚屬懸輪無

其音為示平日景視其重一日以其音曾取滿來備臨其其

心四財刃桑由史史世幾合門出既封奉大夫許宗觀其

技驗財公夫其墓誌銘

中王李一公

本魯胡公偕配二世墓誌銘

徵仕
郎 余 鏞

蓋聞人生天地間生寄死歸理之常也何世之人知所以治生
罔知所以歸藏之宜急歟大抵惑於堪輿求福之說故親死而
久厝浮土以致遷延敷世不訪置牛眠者止自不少雖有善行
可傳亦無足述矣時嘉靖甲子冬姻戚胡君良樺采告予曰先
嚴存心正直處世溫和孝友慈愛見稱於人先慈佐理家政克
盡厥職均可謂無忝所生者矣今已歸藏非刊勒碑銘恐不足
以流傳後世吾子儼然葭莩曷克辭按狀公諱泗字本魯廷欽
公冢君也系出安定邑西墩上巨族生於正德己巳九月二十

日申時卒於嘉靖丁巳正月初二日辰時配龍山江孺人生于
正德壬申六月二十日戌時卒于嘉靖丁未六月二十七日未
時子三長良棟不幸夭殂次即良樺三良糖亦相繼云亡女一
適當山余正立樺相山川之宜謹葬父母昆季於城南周家園
已亥向此誠明于生寄死歸之理而又思有以傳之者噫孝子
仁人之用心不當如是乎觀子嗣之賢以下將來之昌熾殆未
可量也遂誌而勒諸石以傳不朽

銘曰獅山蒼々 龍水泱泱 胡公之德 山高水長

浪公夫婦墓誌銘

鴻臚寺正卿
姜習孔

胡君汝魁諱應元與予同爲泮南余析公館甥戊寅歲以先王
父之誌銘囑予予忝屬姻婭無容以不文辭按公諱浪字天池
號儒川世居城西墩上父廷鉞公生二子公其季也少聰慧讀
書明大義以古賢豪自命敦尚孝友居父喪膚消骨立奉母楊
孺人能曲體其意因早失怙家計不充不欲以食指煩其兄乃
輟儒就農夙興夜寐家業日有起色公雖總理家政一絲一粟
不入私囊析箸時所分產物多以次者自取有中分之田公偶
有倍入之獲不待兄有肥磽之言卽彼此互易其善讓如此奚

啻德色之不形哉且才畧甚優獨持門戶杜追呼創建宗祠公
功為最好施與賑貧窮倒篋弗惜萬歷乙巳為翁九十弧辰得
與府賓筵郡侯毛公暨僚屬顏其堂曰德邵承 恩享年九十
有五配余氏洪氏有樛木下逮之德側室姜氏方氏余氏知小
星安命之義亦恒情所難子三長良綬次良榮三良弼孫七人
曾孫九人夫積善之家必有餘慶豈虛語哉良綬等葬公及五
孺人于西郊芮坂之東偏去予居僅逾百步

銘曰 繫誰幽宮德邵士 齒濱百齡潛不仕

公 賓飲承恩齒德尊 考卜于斯宜孫子

良榮公暨祔葬墓誌銘

公諱良榮字希華號新川吾族九世祖浪公次子也秉性誠朴
不矜智巧恂恂然邱壑終老雖處市井不啻山林宛然羲皇以
上人也享年六十配王孺人生子三人夫婦全卜吉于大西門
外土名里墅佛殿前伏虎形壬山丙向兼亥巳加子午三分公
長孫諱三琪公字廣玉配嚴孺人余孺人次諱三珣公字屬玉
配姜孺人四諱三球公字鳴玉配方孺人余孺人曾孫諱起恒
公俱祔葬焉今秋八月族叔祖貞義等告予曰吾兄弟子姪以
先人尙厝浮土心甚鬱鬱適祖塋山向大利墳地寬敞現請堪

輿而祔塋旋伐石以樹碑盍伐為文以誌之予思誼屬同族難
辭固陋因為悉其巔末以垂諸永久

銘曰克勤克儉 不事才能 五世同穴 一脉相承

伏虎凝秀 遠浪橫澄 既安且吉 人文代興

音

乾隆丁酉秋月中澣穀旦郡庠生族嗣孫士達頓首拜撰

其樂公習醫塋墓誌銘

應晉公三世墓誌銘

歲貢
姜奮潤

公諱應晉字汝進別號靜軒邑西墩上良佐公之子也幼習詩書英敏過人寒暑罔間雖數奇不偶而嗜學彌篤嘗自負曰讀書所以窮理植綱常而功名之得失何足爲欣戚耶居家孝友素著處世正直可風成人美濟人窮毫無勉強尤無德色不誠言行相顧者歟至若課子則以慈父而兼嚴師之責重德行次文藝故嗣子皆習儒業各有表見而仲君尤以文章冠世爲芹宮翹楚庭訓之善又其彰明較著者晚年羣舉爲鄉飲賓固辭不肯赴筵且云人爵何如天爵貴烏用是外至之榮哉配王孺

人繼配程孺人生卒俱詳家乘不更縷述子五長三元次三汲
庠生三三瑞四三翰五三道孫十九人濟七踰七正未艾也歲
康熙癸亥菊秋晦前一日子若孫葬公及二孺人於西門外里
許土名洪家塢荷花形癸丁向加子午地稅八分後乾隆己未
孟冬之吉日以公子三瑞公余孺人三道公繼配余孺人孫起
鶚公余方兩孺人起雯公洪孺人起珍公余孺人起孝公汪洪
兩孺人起敬公王洪兩孺人起鶚公汪孺人起金公序昭穆別
男女同祔于左右墓成請誌于予予與胡氏僅隔城垣世忝葭
莩得悉其生平謹述而勒諸貞珉

銘曰窮經致用 品行爲先 荷形現兆 祥開自天

家庭課督 魚躍文淵 三世同穴 一德相傳

旣安且吉 亾者燕然 佑啟後人 福澤延綿

明 清 人 魏 安 且 吉
山 香 燕 然
甘 頌 好 人
御 聖 英 騰
案 喪 賜 曾
魚 戰 文 騰
三 世 同 穴
一 齋 沐 禮
梅 日 儀 際 輝 照
晶 竹 爲 光
旆 沃 慶 山
輶 國 自 天

應秋公並祔墓誌

蓋聞誌者記也以記先人之終始而無忘于後世者也按公諱
應秋良榮公次子也配王氏僅生一女適童某夫婦百年後卜
墓土名大塘深塢口鰍形坐寅向申計坟山地三分七厘有零
當時有墓無誌其房姪曾孫輩恐將來無所考徵用是急急耳
是年冬選吉脩整因以起字行三拱公次子諱起儁公三珣公
子諱起佰公仁字行兵仁公之配嚴孺人杞仁公之配徐孺人
義字行兵仁公長子諱粹義公貞義之配汪孺人禮字行樂義
公長子諱知禮公配伊孺人遜禮之配劉孺人同祔于公之左

右墓成囑誌于予予曰叔祖等猶兢兢于公之窀穸可謂推愛
親之心以及于所親孝莫大焉更因其寬敞而以伯叔昆季子
婦姪媳同卜佳城使春秋以時致祭子孫無忘其先世世相承
于勿替也因悉其次第原委而謹誌之

曾

乾隆丙申嘉平月上澣穀旦郡庠生族嗣孫士選頓首拜撰

賓玉公四世墓誌銘

庠生

姜曾槐

公諱三瓊字賓玉澹齋公第五子也負異才訓子以經義躬自
爲課見義勇爲事關宗祖者尤挺身不少諉康熙丙午續脩合
譜毛公鶴舫先生序稱踴躍共襄督理者二人公其首也配余
孺人舉丈夫子四長起昭次起枚三起皓四起勗起昭公字曰
燦號慎士警慧過人才學兼優有疑徃叩之媿匕指示具悉其
詳更能尊師重道教子成名人皆稱之甲寅兵燹連年公流落
他方十餘載音信杳然配吳孺人紡績奉姑或造蜚語諷令改
適孺人曰夫卽死無孤可撫有姑難棄家雖無一壠之植爲生

有十指之入尚能自給爲人爲鬼俱不離胡氏之門矣未幾公
旋里踰歲生一子諱純仁起枚公生而勤謹專習本業中無城
府言行皆有尺度配楊孺人子二宏仁爲仁純仁公字希范孝
友至誠穎敏好學弱冠受知于學使以第一補博士弟子員試
藝贈炙人口書法宗二王秀緻可愛屢赴棘闈皆報罷居家惟
訓徒以養親而分外事絕不與聞配余孺人子鶴鳴彩鳴宏仁
公生平謹慎有父風無出鶴鳴公業精岐黃所活者甚衆毫不
計利故遠近多德之營葬之日彩鳴公之配方孺人同祔于墓
側若起皓公起勗公爲仁公彩鳴公俱別訪牛眠茲不贅叙墓

在土名芮坂東、圍墩鳴板形地稅五分肆厘五毫係忘字叁佰柒拾貳號特歷七誌之以昭示來茲

銘曰

前山環抱左濱水

誰宅斯邱鍾厥羨

四世倡隨歸藏此

長發其祥自今始

四世昌訓儲錄

身登其祿自今敏

簡山惠麻文蔚水

簡字祺祖驗

簡曰

某台須覽持祖山請文以昭示來流

亦土洽荷双夾圖意點楚溪此時正合報風正寧初亦平冬併

起科公偕配暨子墓誌銘

邑庠姪孫杰

公諱起科字玉華予嫡堂叔曾祖庠生介臣公三子也少失怙
曾王父庠生維祺公嘗撫而訓之事母余孺人敬愛交優與二
兄怡怡無忤里黨咸稱焉生平勤習本業非春秋大典赴祠外
足不履城市目不覩繁華種種善行難以枚舉惜天奪其筭僅
年四十有七而卒配張孺人德容女紅事事可人十六歲于歸
叔祖琴瑟靜好毫無參商迨叔祖仙遊孺人年四十一矢志撫
孤生子二長元仁弱冠早殤次存仁公生于崇正己卯八月初
八日巳時卒于康熙乙丑十月初八日辰時孺人生于順治乙

酉五月初十日辰時卒于康熙壬辰三月初十日辰時乾隆丙辰冬堂叔存仁葬公夫婦于四都土名苔浦余家村邊荷花形以長兄元仁公祔焉并自造夫婦生壙置受露宇號田成地壹畝壹分以爲子孫永世祭掃告成命杰誌其墓遂援筆書之

銘曰孝友克敦 無慚大節 善行多端 一身無缺

荷形兆祥 地靈凝結 夫婦相依 子父同穴

歲時祭供 黃焚帛裂 福澤綿亾 世生英哲

歐休公...

起華公夫婦暨次子墓誌銘

郡庠生 姜魯槐

胡君紹元與季弟彩文皆誠樸可嘉而一坦直一聰慧質性微異紹元子秉義曾受業予門今已十年矣禮恭而情厚予篤愛之乾隆丙寅春紹元等請於予曰先嚴見棄已逾二紀牛眠雖卜而碑銘未勒甚非久遠計請先生一言叙之按公諱起華字永玉世居城西墩上父宗貴公生子四公其仲也幼業儒博聞強記工書法緣家貧乃輟儒而理家政勤生節用漸歸充足析箸後念兩世皆厝淺土不可以祖父遺骸爲求福計急買地營窀穸用不敷則謀典質以終其事嘗曰爲人子而不思葬其親

是忘本也。貪吉壤，畏稱貸，而遷延有待，是計利忘親。急於末而緩其本也。因費出不均，而兄弟有違言，是知有本而先傷其枝葉也。故不憚獨勞，不吝私費，不遷延歲月，早妥先靈，足爲世法。生平中無城府，自耕食鑿飲，外不知世間機巧事，與人交仁厚醇謹，恂恂若不勝衣，而義所當爲，未嘗少退縮焉。年逾八十，精力少衰，燈下猶能作小楷，其庭訓以讀書力農爲自立之本，以謙和恬靜爲涉世之方。故家境雖日有起色，而克勤克儉，謹身寡過，益以恢擴先業，丕振家聲。是急焉康熙庚子，賓飲於鄉邑侯吳公子俊顏其堂曰：行優表率，配汪孺人。寡言語勤女紅。

舉丈夫子五人長守仁次吉仁三亨仁四夏仁五由仁孫二人
秉義彰義彰係由出紹元等葬公夫婦於十里舖姚家屋後次
子吉仁祔焉銘曰

有高隱士溫恭其容亦耕亦讀蘊德厥躬齒躋大耋賓禮
恩蒙蠅頭細楷矍鑠是翁歸藏兩世孝子事終今得吉卜夫侶
婦從爰偕仲子馬鬣同封松楸蔚蔚後祉攸崇

誠哉愛謝仲平詩意同此其好亦佳

思樂與爾聯詩嬰難長餘語歸內

宜高謝士尚能其容亦殊亦解

千古公極詩後曰

黃帝道無心自出誰能替公夫誠然

舉夫夫正入之守之失吉之三

起萬公二世墓誌

族叔高祖諱起萬公三球公長子也配凌孺人生至仁公至仁公配徐孺人未育子嗣生二女長適低洲徐永增次適孫家坂余中荃公棄世孺人年三十有六矢志靡他請堪輿扞土名大塘黃龍朝天形坐巳向亥葬其舅姑起萬公凌孺人暨至仁公自營生壙于其側並葬起萬公異母弟起東公起亥公而至仁公隨母兄黃雲佐雲客二公祔焉墓成以土名姜十塢地壹畝貳分附入應元公祀爲舅姑與祭之供又以土名大塘山地四畝零橫塢山地貳畝姜十塢山地叁分囑其房姪輩另立志祀

戶為其夫婦祭掃完糧等費乾隆戊子孺人棄世既選吉開墓
送歸生壙以全厥志矣然恐生前之苦心身後之遠慮久而無
徵也今年冬伐石豎碑因為質言誌之以垂永久云

日嘗告... 其... 萬公... 吳... 策... 東... 公... 而... 至...

乾隆丙申一陽月中澣穀旦郡庠生族嗣孫士選頓首拜撰

余中丞公棄世... 人年三十... 六月... 志... 親... 南... 與... 其... 上... 洽... 大...

公... 翁... 歸... 人... 未... 百... 千... 嗣... 坐... 二... 女... 具... 盡... 泐... 翁... 示... 似... 火... 斷... 疑... 寒... 烈...

... 高... 顯... 乾... 跋... 萬... 公... 三... 和... 公... 是... 千... 世... 彌... 慶... 歸... 人... 坐... 聖... 子... 公... 坐... 下...

跋萬公二世墓誌

振龍公偕余孺人弟兆龍公墓誌詔

黃肇宣 歲貢

公諱振龍字噓雲宗惠公長子也肄業以誠篤稱當鼎革時家計中落乃輟儒就農率弟兆龍公翔龍公出作入息勤而兼儉數十年而衣食漸充居鄉恂恂言訥訥如不出口至教子弟一于淳謹以不干預外事爲戒配余孺人子二長文仁次廣仁繼兆龍公公性嗜學雖輟儒偶遇閒暇依然涉獵經史且律己甚嚴苟有過必痛自懲里黨爭訟者遇公不待煩言而人允服嘗書屏以自警曰誦詩讀書不重文章行遠持躬涉世惟願衾影無慚觀公二語不如見其人乎康熙戊戌冬卜葬二公暨余孺

人于四都儒南川陳家坪乙山辛向騰字一百四十六號今其
孫見義等選吉樹碑出其祖之行狀以誌詔請予忝屬戚誼不
敢以不文辭爰錄其寔行以勒貞珉

銘曰不求聞達 明哲保身 勤儉自矢 事業維新

性嗜典籍 克葆天真 厚于責已 立志超倫

夫婦伯仲 同穴相親 既安且吉 佑啟後人

黃澤宜

乾升公偕元配墓誌銘

歲貢
黃廣禧

人生天地間苟無一二可傳之事徒假名人筆墨勒之幽宮是爲誣其祖故余徃徃不樂爲無稽之說以欺人者先以之自欺今比鄰敦上胡公諱躍龍字乾升舜祥公之子卽余之東君也居平不苟言無妄行小心謹慎竊恐有違于道嘗觀其在家也洩洩融融無少怠慢及親偶冒風寒憂形于色調劑極其周康熙丁未尊公病劇扁鵲無功禱祝弗效哀慟之聲聞于中外里黨爲之愴惻踰月卽訪牛眠喪葬由禮不誠名教中之僅有者歟又己酉夏訪親于十二都道經花石嶺憩息亭中見遺金

念餘兩候至日暮無有追尋者乃始持歸翌日具招訪求得其
人欣然取還且規以不小心遺金者欲以半酬公艱然曰苟貪
若利旋歸而藏藏而弗語其誰知之我笑若之不智不識人耳
何用謝爲元配吳孺人秉性仁慈無慚四德舉一子名禮仁正
直有才略爲里中棟梁繼配吳孺人汪孺人孫三人長際盛冠
軍補弟子員次啟義不幸弱冠早殤三際熙好學能文謙恭自
牧曾孫光豸恂恂謹恪將來之人文昌熾殆未可量也耶康熙
己亥敬葬公及元配吳孺人于九都伊川廿四塢金牛脫軛形
丁山癸向以次孫啟義祔焉山稅五分墓成請誌于余余綜計

公之生平孝義克敦持躬謹密以及英俊之蔚起誠可傳可法
足爲後人之儀型彼世之不矜實行徒飾虛名者何啻天壤也
哉謹按其大略垂之奕世云

銘曰伊川碧流 地凝人瑞 軛脫金牛 惟天所賜

大德如公 不謀而致 蔭茲後英 代鍾令器

大德也公不始而終

統日時風集驚 賦發人

詩韻對其大德聖

公之志本平

公之志本平

升如胡老親翁五十壽序

丙午夏秉鐸遂陽嘗見一邑之中秀者橫經樸者負耒誠

盛世之休風予心焉慕之戊申端月望前一日爲升翁胡君五
秩初度同里諸戚友丐予言以祝嘏竊以爲君子樂道人之善
而亦無溢美之詞翁與予雖非素識而聚族邑中王君諱寧者
最爲友善與予詳悉言之頗得其大畧請以樸誠儉約之槩進
之壽筵可乎翁幼失怙恃家道中落勞筋銷骨靡境不歷終未
一遇迨強仕後持籌服賈竭力經營兼之公平義取莫之或欺
自是駸駸有起色蓋人所遭者安常處順之中翁所歷者艱難

辛苦之况雖曰才力所致要非勤儉自持烏能至此乎翁丈夫
子四豕君潛心貿易叔與仲季負笈從師行見人文蔚起蘭桂
森森天之所以報翁者又寧有艾哉是日也律轉洪鈞梅開綺
席親戚族黨或南山獻頌或北海傳尊何樂如之翁其首肯予
言而笑進三爵也夫是爲序

雍正六年歲在戊申端月上浣之吉

遂安縣儒學署教諭事年家眷弟吳光寅頓首拜撰

嘉會胡君五十壽序

翰林編修

方象瑛

孟秋中浣一日爲嘉會胡君五十懸弧之辰親友製軸問序於
余余與胡君比閭而居者數十世於茲矣雖未能甚悉生平然已
概見其大端則所以壽君者固余之事其又何辭君之生也終
鮮兄弟其事兩尊人以孝凡事先意承志甘旨無缺竭誠盡力
嘗得其歡心每外出及良宴會得異味佳果必持歸以奉養能
孝事其親如是且承親之志篤于尊祖弱冠後總理祠事矢公
矢慎以擴前列買地造影壁於祠前更於祠中堂後拓基址構
寢樓以妥先靈是爲親光前也殷於課讀尊師重道克振家聲

哲嗣三人服勤誦習日有就而月有將冢君績學工文已爲邑
名諸生仲季二君英姿卓犖聲庠序直轉瞬間事是又爲親
裕後也夫孝莫大於饗宗廟保子孫今君於家廟如是課子如
是是皆善承親志敬其所尊愛其所親而無忝於孝之大者也
抑且平居里巷嚴飭子弟教之勤謹興里社重名教事事可風
有事片言立解雖遐邇之人無不服其公且正焉此又孝之餘
推以及物也是日也金飈氣爽玉露凝秋瑞藹華堂賓朋滿座
子若孫稱觴舞綵樂也何如君顧之當首肯余言而笑晉三爵
矣夫是爲序

恭祝

大德望天祿叔祖五旬榮壽序

歲在屠維大淵獻仲冬之望天祿叔祖五秩弧辰也舉族以其生平質實不喜紛華惟邀叔姪兄弟輩製軸祝嘏而囑予爲序予誼忝姪行不敢以謏陋辭叔祖爲人性坦直多才畧而兼瀟洒髫齡失怙家道中落既能奮發有爲轉困約爲豐亨又以治家之餘振興祀典族中咸推之慨然曰苟主持得人猶可贏餘何憂不給遂與一二同志身肩其任一出一入俱有常經數十年間祀產倍於舊遺且遇

不法事忿於心輒形於色尤必痛斥其非雖斧鉞不避而
於孩提則愛惜之微論親疎遠近街市猝遇卽抱懷相戲
謔此皆本乎天性發之真情者也是宜邀彼蒼之厚眷綿
鶴算而叶麟振矣將由杖鄉而杖國杖朝躬膺之景福寧
可易量歟是日也灰飛葭管梅透春光歆九如者以詩祝
三多者以頌賓朋滿座兕觥交酌叔祖當首肯予言而
笑進三爵也夫是爲序

大清乾隆四十四年歲次己亥復月中浣穀旦

愚再姪士選頓首拜撰

聖五胡老親臺六秩壽序

聖五胡翁生邑中墩上巨族予以邂逅間相與往來者二十餘年聽其言論觀其舉止不類商賈中人也竊心焉儀之今季秋二十七日爲其六秩弧辰戚友相謀製錦程君步周郵札懇予言以侑觴其大略謂翁生而英敏好讀書服賈非其志也第念儒者以治生爲本於是乎喬寓中洲通有無審取與數十年之間累產千金雖得力在賈而見諸事業凡分所當爲與力所能爲者皆勝其任而與年俱進矣然翁又非孳孳爲此者也持籌稍暇涉獵書史尤喜

與能文之士賦詩飲酒猜枚劇談以遊以詠毫無市井氣
今年已六十矣八旬壽母堂上承歡壘篴和叶琴瑟靜好
子若孫玉立成行一庭序樂情至文生時時發爲歌咏以
寫性情但見玉潤珠圓覺有風人趣味且翁酷嗜堪輿兼
工醫卜見解所至人多不及而遠近咸賴之雖曰藝事孰
非娛老之具乎憶予與晤別歷有年所矣聞其精神矍鑠
不減曩時蓋惟襟懷之曠遠固宜壽筭之綿長也是日也
金舒菊蕊玉吐黃花對景稱觴其樂曷極予以道遠不及
躬謁華堂卽書以復步周而藉以祝之翁其首肯而酌大

斗否是爲序

皆

大清乾隆四十四年歲次己亥菊月穀旦

例授文林郎癸酉科拔貢浙江鄉試中式舉人揀選知縣奉
旨挑選優等職授温州府教諭儒學正堂薦舉

卓異加三級在籍仍候會試眷侍教弟鄭濂頓首拜譔

章與眠三難在餘世對會篇錄符殊餘噴氣與首其類

行野幾對善鄰對原成保地金鼎學五堂燕舉

附對文林潤笑西珠神質商耳標類中八奉人聚慈眠練琴

大節算割四十四平端天口及商民慈且

得

長

聖五叔祖六十壽詩引

聖五叔祖六秩壽辰懿戚良朋投詩祝嘏予欲贈以言則藁而製爲軸矣惜無以其庭闈中事爲諸戚友告者叔祖少孤家計窘迫事母王孺人竭蹶承歡且負販營生早而出必暮而歸憫門閭之望也弱弟年幼兼患目疾延醫調治百計罔效勉爲從師學星卜以爲終身計迨喬寓中洲生意暢遂累產多金直與弟中分之邇以老母八旬不忍遠離左右退而家居依依膝下兼之兄弟同堂子孫環案可謂序天倫之樂事矣此固諸戚友所未稔知者予忝同族畧舉梗概竊以天倫無忝大節克敦叔

祖之植其壽之基者厚矣則享其壽之永也固宜嗣是由老傳
至耄耄而期願尚願諸戚友長言以賦之也於是乎書

皆

乾隆己亥年菊秋月穀旦郡庠生愚再姪士選頓首拜撰

歷正財脈六十壽

九臯胡世兄五十壽序

菊名壽客花之能壽人者也古之高人逸士每藉此以娛
衰年若陶彭澤之東籬其尤著也彭澤不爲五斗折腰賦
歸去來辭以見志清風亮節固足千古然自爲則善矣而於
救人濟世之義無聞焉此余所以睎然高望於九臯胡世
兄先生也先生爲胡安定公世胄尊翁文學希范公固邑
中名宿幼訓先生以詩書輒穎悟異人家貧輟業識者惜
之平居深念大丈夫卽不能置身廊廟亦當有裨於人因
慨然于不爲良相必爲良醫之說襍被從師究心岐黃之

術於此中不啻三折肱矣藝成邑里有敦請者不問貴賤
親疎朝夕寒暑應命而赴毋緩須臾更不計及酌贈之輕
重或遇貧困無措卽捐藥勿吝數十年所全活者何止百
千人望之如杏林橘井焉然先生不第此也其處宗黨間
怡匕和悅無有忤志人咸畏而敬之居閒無事時邀族中
父老與夫賢士懿戚斗酒言歡銘心訂雅或取諸其宮或
鏹輸于市竭盡所有若性生焉今重九下旬爲先生五秩
弧辰程子聖彩繪晚香圖以祝嘏非徒取採菊東籬悠然
南山之高致也以壽客能壽人爲先生況且卜先生之桂

馥蘭馨晚景如晚香之無窮云爾是爲序

昔

大清乾隆二十年歲次乙亥菊秋月下澣穀旦

皇清待贈文林郎雍正乙卯科浙江鄉試中式舉人候選知縣
同里眷世弟方錫綱頓首拜撰

周原得時服衣機降慶百我焉

生奇若無文林相察五子限博世立於滿心大舉八封嚴以

六部清烈二十平意乃了之文陳於凡不備錄且

廿

財商善御身成戰之之與似云清以武泉

祝傑士胡公六十壽序

丙子之秋八月旣望爲傑士胡翁六旬初度其戚友程子
遠芳輩謀所以祝之具道生平懇予序予惟古之祝嘏者
必曰德爲壽本壽爲德徵今以翁觀之洵不誣也翁事高
堂不因家貧而缺甘旨及秉持家政凡事身先物倡數十
年間擴田園新堂構毫無私蓄姪幼失怙撫若已出及長
爲之婚娶始命自立故鄉黨多推重之至交際往來雖生
長城市勿襲紛華當農功稍暇與父老子弟歲時伏臘斗
酒言歡而分外之事從不與聞觀翁生平之令德孰非上

壽之徵乎今年已週甲矣精神矍鑠迥異尋常將見古稀
而臻耄耄躋期願榮膺

聖天子養老之典正未有艾也是日也玉露傳秋金波競爽遙
想忠列橋邊祥開南極瑞靄華堂梁案齊眉菜衣繞膝以
及鄰里鄉黨拜手稱觴懸弧樂事曷克加茲若夫懿戚盈
門高朋滿座或賡九如或進三多南山獻頌北海傾尊觥
籌交錯濟濟蹌蹌其爲樂更何如也予以遠芳之請聊叙
其得壽之本而藉以祝之翁當首肯予言笑進三爵也夫
是爲序

曾

乾隆二十一年歲次丙子桂月中浣穀旦

賜進士出身河南歸德府知府前直隸天津廣平同知文安縣
知縣

卓異行取在任候補主政己酉科福建鄉試同考官眷弟姜士
崙頓首拜撰

胡母余孺人八十壽序

詩曰思齊太任文王之母母之以德稱也自周人始也又曰魯侯燕喜令妻壽母母之以壽稱也自魯人始也顧婦順彰矣而不賦黃髮駘背之祥兕齒頌矣而不及桑嘉聖善之譽豈德與壽固不可得而兼歟即兼而有之而或生長綺縠不聞由苦而得甘抑或精力衰邁未獲以康而集福則當其誕日而頌晉南山尊傳北海固屬人瑞難逢寃非迥出尋常足以深人景仰而樂爲道者也予居鄉時凡邑中壺德素嫻年登上壽者竊心儀之迨一行作吏歷任

中外二十餘年客歲蒙

寵命內召備員

殿閣而桑梓之契濶久矣今年春族弟璋玉郵書京抵謂嘉
平二日爲其懿戚胡母余孺人八秩悅辰願丐予言以祝
嘏按畧孺人系出下邳望族賦性仁慈嫻內則勤女紅古
所云閨中秀林下風莫或過焉及于歸胡翁瑞祥夙興夜
寐敬戒無違事舅姑以孝處妯娌以和族黨推爲女師舉
丈夫子三而瑞翁見背四壁蕭然晨昏莫給凡日用之需
惟針紝是賴斯時也以門內而切闔外之憂以慈母而兼

嚴父之責如孺人者不可謂非巾幗中之丈夫矣長君宜
五稍能自立卽命勤習生理坐賈貂峰數年家中駸駸有
起色無何宜五謝世季亦云亡孺人拊膺太息幾疑我生
不辰孰知天之錫純嘏俾單厚者抑從此而更新耶仲君
文遠克紹兄業籌運計然擴田園新廬舍而孺人康強猶
是勤儉依然鄉隣有急難必量力周恤告貸者慨然許諾
無拒色倘其力難猝償令毋太急且以善言解慰嘗語文
遠曰吾與女俱閱歷中人惟以己之心度人之心則得矣
雖文遠恪遵慈訓要非孺人之壺德曷克成之歟迄今文

孫濟濟頭角崢嶸於以振家聲而光門閭固可慰瑞翁於
地下而孺人之由耄耄躋期願躬膺天眷以屢受

皇恩者正未有艾也夫以孺人之辛苦脩嘗而卽永之壽筭以

覩子孫之成立以孺人之壽筭延綿而卽畀之康寧以迓

福祉之並臻天之報施固自不爽則今日之登堂祝嘏豈

非迥出尋常而深人景仰者哉璋玉文遠姻婭也據來書

所云則孺人已兼詩人所稱而有之矣而其壽之由苦得

甘以康集福者蓋較周魯二詩之所頌而更有進焉是日

也庭梅噴馥寶婺生光斑衣舞膝蘭茁盈階予匏繫一官

不獲偕邑中諸親友捧觴介壽然聞孺人生平之壺德與
當前之福祉不禁欣然樂道而亟書以應之且爲之遙祝
難老也已爲序

昔

大清乾隆三十四年歲次己丑季冬月上浣之吉

特陞內閣侍讀學士原任甘肅河南等處提刑按察使司按察
使陝西延榆綏道山西太原府寧武府蒲州府知府偏關
同知廣東潮州府南粵同知

內閣掌務典藉中書舍人已酉科浙江鄉試中式舉人璜溪

眷弟周景柱頓首拜撰

同喉...

對...

神對...

大...

昔

...

...

不...

胡母王孺人六十壽序

予鄉居僻遠而邑中紳士與巨族名門咸以姻親時相通
問故其家世頗得而詳胡子聖五穎悟人也少習舉子業
因貧輟學遂經營爲生殖計居屢吾里十有餘年所交皆
文學之士席談詩書予熟其生平得稔家世知聖五之卓
然有成固母王孺人之教也孺人城西墩上兆人公之淑
配系出名門于歸而相夫子也秉性溫柔勤儉自克主持
家政無不躬自檢攝机杼常至夜分自女紅針指外足跡
不踰戶庭年甫三十而兆翁見背斯時二子尙在幼冲且

家無立錐孺人茹荼飲蘖哺其子以長以立雖彤史之稱
畫荻之教殆無以過今家聲丕振田園室廬日增于昔孫
枝環繞濟濟踰踰又皆頭角嶄然宜孺人對之而色笑卽
聖五聊可藉此以頤養天年而少報劬勞矣乃布衣猶是
蔬食依然事無大小必手自擘畫蓋其天性然也夫坤之
象以柔而貞女之德以靜而一一則有常常則必壽固理
之必然者予將卜孺人之由耄耋躋期願榮膺

聖天子養老之

覃恩正未有艾也耶茲屆仲夏下旬之五日輓設週甲之辰

戚族共謀製錦願予言以侑觴予與聖五素相雅愛又稔
詳其家世因樂道而急書之俾躋堂祝嘏共效難老之頌
可也是爲序

皆

大清乾隆二十五年歲次庚辰六月上浣之吉

原署廣東潮州府大埔饒平惠州府陸豐三縣事

特調廣州府三水縣縣丞原任潮州府潮陽縣縣丞教諭改
授己酉科副榜眷侍教弟童珊頓首拜撰

野白雲浮隔林蒼苔綠
魚龍戲首我驚

此與陳世三本綠縷云思
甘晴快報所關歸林
元其命

地昔與東勝此派大
開流注

至二十正平遠太
夷氣六氏上將文古

情

匪此長餘哀

其卷廿四因樂後而
急書之軒祠堂應
其效據本之

如斌其精獎識
而守書以前
與聖正
泰昧
蘇愛
天餘

胡母姚孺人五十壽序

余任賢

任賢垂髫曾受業於顧翁胡老夫子之門因得拜謁師母姚孺人稔知孺人之閭範不減周魯名媛而堅正之節殆與柏舟齊芳也今歲夾鐘望日爲孺人五秩初度謀製錦以侑觴自愧不文不足以表孺人之貞淑然既身厠門墻抑又不可默默者孺人系出望族作嬪名門自於歸而相夫子也吾師性恬淡惟潛心經史奮志文章其他悉委之孺人克盡婦道于舅姑則孝而能敬于妯娌則溫而且和訓子孫以義方撫童僕以仁厚猶憶吾師仙遊孺人年僅二十八歲也冰霜自凜誓志靡他夜寐夙

與以佐耕讀秉持家政餘力不遺迄今家道駸駸乎日有起色
謂非孺人之賢其能若是乎茲當設悅華堂桂子蘭孫閭里親
戚摘仙菓捧紫霞次第祝嘏洩洩融融固其宜也况異日比筭
麻姑齊年王母目矚瀛洲之清淺身歷蟠桃之華實其申錫無
疆以滋福將來者正未有艾也乎彼古之思媚思齊徽音藉乚
我儀我特矢志彰彰孺人不誠有足媲美者歟故曰不減周魯
名媛柏舟齊芳也任賢雖不敏以稔所知於孺人者謹表而叙
之是爲序

澹齋胡公偕余孺人像贊

表姪

姜調鼎

香河

繫我澹翁武強望族安定遺風世惟耕讀令德逋傳翁尤惇樸
古道照人人曰如玉桃李既賦家室攸宜操同梁孟案舉眉齊
明星昧且不懈鳴鷄長齋繡佛嗜善若飴佑啟後人五丈夫子
名埒竇桂儉勤自喜濟濟孫枝家聲益起倫奘美焉田園廣矣
慶餘積善曰壽而康古稀已屆白首彌莊觀茲懿範曷云能忘
傳之奕葉允矣流芳

柳之奕業次矣游者

遷翁歸善日嘗而學古赫日臥白首爾我味茲豈辨昌云猶意

孫社實非分應自新齊新其地難益聖命與天游以國歌矣

四足相且不難即假此齋歸則習善者皆師所勉於人正友大干

古豈照人人曰收生詳入知知宋室對宜熱何致蓋榮舉其經

深非籌念短短事無安宜豈風世耕耕而令感殿專命大朝耕

徵齋時公謂余新人新贊

宋致 美隨鼎 香河

升如公像贊

揮霍者其才淵宏者其器善氣迎人雅懷高義早歲迤邐囊羞
空匱嗣乃經營陶猗術智丕拓箕裘孫謀堪詒有子趨庭河東
示異安定宗風於斯焉寄慶衍雲初彌昌而熾覩形貌之儼然
宜諸福之畢萃也歟

峕

雍正五年歲次丙午桂秋月

眷侍教弟姜亮周頓首拜撰

谷村綠草美良風醉首醉晚

乘五正平熱六丙千赫赫凡

皆

宜前師之畢萃也嫂

示異安安宗風外世無寄美而德師爾昌而樂勝亦德之顯然
空獨歸以舞營園欲消管不醉其妻新藉掛情百千歡感所東
戰雷傳其木騰志音其器善餘政人探刺高外早茲或既要益

代收公謝贊

兆人胡先生真像序

予素性不多與人作文恐鋪張揚詡失人之實且損已之名苟非親戚至交熟稔其人者則寧辭無濫是年秋胡子聖五以其尊人之真容懇予序之予披圖睇視良久曰此真兆人先生之像也高顴長腮神清骨瘦宛肖生前先生胸藏星斗善算陰陽殆今世之虛中耶曩與推五行談命理媿上言之無不奇中平昔侍高堂御長幼以孝友稱居族黨謹論和平若事關宗祖則尤加意焉性穎異料事如見獨潛德不求人知迄今雖謝世予猶想見其爲人而羨

之慕之七不已也今二子大振家聲孫枝蔚起未始非先生有以致之是爲序

昔

大清乾隆二十一年歲次丙子桂秋月上浣之吉

賜進士出身河南歸德府知府前直隸天津廣平同知文安縣

知縣

卓異行取在任候補王政己酉科福建鄉試同考試官平齋卷

弟姜士崙頓首拜撰

其人隨夫士真齋

聖五胡公像贊

端莊者容儼然而肅和藹者神悠然而穆緬想生平芳徽
可掬懸罄興嗟強輟誦讀喬寓中洲家計漸足膝下承歡
永懷鞠育迭奏壙篋終身和睦庭訓諄乚勤儉是勗服賈
偶閒揮毫自樂興到詩成花團錦簇况也多能醫兼星卜
遠訪牛眠不厭反覆客歲九秋花甲介祝茲仰典型丹青
一軸食報何常有遲與速宜爾子孫世受其福

昔

大清乾隆四十五年歲次庚子嘉平月愚再姪士達頓首拜題

<p>...</p>	<p>...</p>
------------	------------

族將...

...

...

...

...

...

胡氏宗譜詩詞

春日遊優曇菴

載府志

體仁

霽爽初開出郭遊
殘花歷落亂嵐收
路通禪境新蒲細
雲接僧龕古徑幽
孤嶂含青浮遠岫
春泉拂黛繞芳洲
鐘聲何處隨風度
携屐前溪數白鷗

寫懷歌

滿仁

憶虞廷之垂緒兮世澤綿
七忠蓋與理學兮奕葉流傳
愧余碌碌無能兮徒抱殘編
嗟我生之不辰兮境履迍
遭椿堂豈不我愛兮見背
髫年伯仲叔季雖雙七其
疊起兮每困阨以顛連隨

析居以各爨兮夫婦相憐相憐聊相與忍兮百慮相煎祝融其
又作崇兮室如磬懸輟書詩以謀生活兮篤志懋遷詎世路其
更艱兮貲財盡捐歸來其無所於咎兮徒四顧以蕭然一生雖
不逢時兮志節彌堅矢清白以扶宗祀兮敢對幽冥而告虔復
敬祖聯宗以褻譜牒兮踴躍爭先視人事盡若已兮奈與世其
莫緣縱動輒其罹誹謗兮實無事而有愆思忠厚得以永久兮
惟願子孫之多賢

自述生平五言古體一章

悅荃

種七填胸久乍引緒如絲自從離襁褓陟屺早興悲幸逢聖善

母保抱若親兒延師勤課讀中饋莫參差弱冠調琴瑟吉夢叶
熊羆傷哉時命蹇轉令我嗟咨功名隳半路膝下悵孤危倏爾
椿堂寂中夜涕泗垂一身持綱紀惴惴恐難支遺言常在耳張
王聽慈幃艱辛扶二弟聊復樂怡怡次第偕伉儷麟振切我思
忽聞呱七泣珍若獲瑤琪三朝親鞠育恩斯又勤斯復爲思有
室未笄賦結禱箕裘欣有托焦勞詎敢辭盡瘁聯家乘宗祀實
維持秉公惟自矢旁人那得知閱境雖迤躋問心總無欺論定
留他日非笑任當時惟有白衣使澆我礪硯宜非敢累大德假
以展愁眉

感遇四首

際熙

日把詩書寄此身，雄心一往探陽春。
空將志願酬君父，十載寒窓受苦辛。

厓懷瓜瓞永綿七，每向心頭結暗緣。
夢叶熊羆成畫餅，始知人事總由天。

譜學遲留曠百年，尋源竟委續成編。
當時繼述誰稱善，惟矢精誠格祖先。

正直持躬祇率真，不欣豪富不欺貧。
怎知世路逢迎好，未肯卑汙學俗人。

述懷四首

宗法由來長子承繁支何必更相競我將大義先持定物議紛
紛無隙乘

祀創經營歲月深也無興廢也無侵原圖式廓恢先業安得人
人若我心

世情翻覆有何常排解糾紛非我長獨自翛然遊物外調禽垂
釣樂央央

橈巧何如守樸淳誰知事事不如人縱然未展平生志自問猶
堪質鬼神

祝文遠令堂余孺人九秩壽詩

庠生 姜孝舉

護華入臘帶梅馨
九秩筵開玉樹庭
爲見人間光壺範
因覩天上朗嬀星
桃栽王母投多顆
酒釀麻姑晉幾瓶
錦悅高懸偕日永
綿綿百歲卜康寧

全前

庠生 黃道泰

寶婺熒熒壽若何
花輪又轉半輪過
護堂挹露良深矣
楓陛頌

恩卽及麼且喜斑衣聯四代
還欽福祉集三多
觴稱正值寒梅馥
嬾娘清香溢綺羅

全前

庠生 姜棟

壺德由来媿郝鐘
星輝寶婺瑞光融
護華九十凝霜紫
桃實三千映日紅
仙管恍聞

雙闕下斑衣
迭舞一庭中
從茲更晉期
願頌壽域彌高福並

隆

全前

再姪孫 士達

嶺秀蒼松臘放梅
欣逢悅設綺筵開
光垂鶴髮邀

天眷慶溢

鸞章指日来
膝下孫曾娛晚景
堦前絲管侑瑤杯
而今花甲

重週半竚祝期願更快哉

祝聖五胡老世臺六十壽詩

五言古

庠生

黃樹芳

箕疇歛五福以壽居共先矧乃歌偕老又見子孫賢憶昔從師
日同學多非年而今一屈指惟君隨我肩我叨遊泮沼君魯法
計然持籌璧峰側有無得所遷幡然歸故里依依老母前兄弟
式相好兒孫綵袖鮮羨舉齊眉案宏開六秩筵賓朋交進酒陶
菊艷籬邊低徊曩日事想君興高騫不禁揮秃筆聊代九如篇

步步高

庠生

姜孝舉

翁叟懸弧應斗甲子週庚申守華祝稱三箕疇演九人事迭增輝天

倫同益壽老母堂上爲依
翹弟庭中作友早諧琴瑟
奏和聲廣植桂蘭培妙手
晉瑤階以頌南山詩環綺
席而傾北海酒陶籬菊綻
秀色任觀摩庾嶺梅開清
香隨搥取寄咏吟而適志
得句皆新藉靈素以怡情
歷年自久

舉人

鄭濂

晚節黃花近似誰長庚星
朗正揚輝三秋快舉梁鴻
案六秩歡穿老萊衣韻叶
堦篔瓊宴奏香飄蘭桂玉
觴飛而今啖蔗彌甘矣共
祝期願自可幾

歲貢

童志猷

蓬萊佳氣鬱蒼蒼
週甲欣開介壽觴
籬菊迎霜舒晚萼
嶺梅向煖啟初香
瑤臺縹緲調琴瑟
玉樹青葱集鳳凰
更喜北堂葭草茂
笑看羅綺列成行

庠生

陳高

系傳安定毓名流
笑傲獅城六十秋
入市却疑真養拙
居竒還自善持籌
酒酣不問誰爲主
詩就常邀我作儔
舞綵庭中看綵舞
桂森蘭茂荷

天麻

庠生

方吉星

最羨花輪滿護堂飲露酣良辰鴻振北雅曲鶴飛南福歛箕疇
五壽朋魯頌三斑衣環案舞樂趣箇中探

姪
清泰

金舒菊蕊露凝香南極星輝弧矢張堂上護花偕日永階前麟
趾共時昌年逢迴甲精神爽案舉齊眉趣味長願並蒼松千古
秀迭隨題咏晉霞觴

絕句

再姪
士進

豈獨是翁矍鑠哉護花含露北堂開還看桂馥蘭呈秀樂事應
吟好句來六十弧懸洵快哉菊花釀熟綺筵開啣杯一望華

堂上盡是南山獻頌來

自賦謝教

耀義

虛擲韶華六十春，生平事事愧同人。
問名杳爾當年志，計利依然昔日貧。
喜有鴻文光賤誕，慙無旨酒樂嘉賓。
北堂尚幸護花茂，滿眼兒孫適性真。

輓聖五胡老舅兄

陳高

爲懷祝嘏倍思君，兩世何堪頃刻分。
把盞豪情疑有見，扞毫好句杳無聞。
猿聲冷咽千山月，蝶夢空縈萬里雲。
館舍依然人已去，芳名猶聽滿榆枌。

姪
清泰

聽殘薤露意如何百歲韶華一擲梭
適見秋高堂有祝豈期冬
寂巷無歌豪情不禁歸虛府逸韻奚堪付
逝波爲想總幃惆悵
甚霜光月影滿庭柯

再姪

士選

久望尊顏復泰寧誰知遽匿少微星
持籌不見風流古得句空
懷月滿庭况際花輪方共慶奚堪薤露又同聽
傷哉素旒高懸
處燈影幢幢半晦冥

士達

新刻古今詩話 卷之六
吁嗟大阮赴瀛臺瞬息攸分慶與哀花甲筵開籬放菊靈旛影
動管飛灰溫和貌向圖中見飄緲詩從夢裡猜試聽子規啼血
夜淒然那復叫春回

題繼一胡老親翁喜照圖

庠生 余振升

兀坐芳園酒一甌知君樂事日休休樹垂舊綠猶當夏菓列新
黃又入秋翠栢伴松含露植金鱗啖藻任天遊兒童嬉戲還多
趣滿幅真機着意收

重修胡氏宗譜後跋

丁未之冬吾族譜修伊始先君子
諄諄提命謂事無鉅細一有不慎幽
則致怨於鬼明則開罪於人吾叔
父身肩其任廢寢忘食雖事竣之日
心常戚戚女兄弟襪線其才當繼往
開來之任事至重而責匪輕士選跪
對曰敢不敬勉及越歲校稿將半洪

水中阻又越歲歲收欠稔囊贖告匱
更不及爲無何先君子厭塵哭泣
之餘痛切遺訓將恐日復遲延負
先君子於九泉也于是感奮於心鼓
勵厥衆亟取舊所訂之稿反復叅攷
分篇析卷克底於成雖是編也奉
先君子之教益加慎重正其紛紜辨
其妄冒較前譜爲實而不誣若謂從

事於斯疑似毫芒畧無遺誤之失則
老成彫謝先君子又已見棄泣涕
追悔安得一人焉而爲士選是指
省

大清乾隆五十五年歲在庚戌孟冬之吉
墩上裔孫士選百拜謹跋

六青

卷之二

志公禱... 武君... 入... 武君... 志公禱... 武君... 入... 武君...

胡氏宗譜字號

領譜規條見於凡例不復再述特前議宗譜印二十部恐
多則滋事今簡作十部編明字號係某派某房某人收領
以示有統屬云

似字號譜一部藏攸叙堂 神櫃內存衆

蘭字號譜一部係 太一公派行公房 收領

斯字號譜一部係 太二公派塔 房 收領

馨字一號譜一部係 太二公派塔 房 收領

馨字二號譜一部係 太二公派琮 房 收領

馨字三號譜一部係 太二公派琮 房 收領

如字號譜一部係 太二公派琮 房 收領

松字號譜一部係 太二公派琮 房 收領

之字號譜一部係 收領

盛字號譜一部係山塘 太一公派忠公房官禮收領

裕後排行開左

敬承其祖德 六振爾家聲

